

般若波羅蜜多心經幽贊  
阿彌陀經通贊疏

卷上

卷下

般若波羅蜜多心經幽贊卷上

執

京大慈恩寺翻經沙門基撰

般若波羅蜜多心經幽贊卷上

贊曰今爲有情結習所蔽信受邪教誹毀大乘於空有  
經如言計著隨印所解于生嚴怖設怖出要親依善友  
由各迷方邪亂授學懼廣文海初不趣求雖樂略經而  
不能了於真俗諦竟說有無心境法中逆生取捨令正  
法義真謬具分信學有情皆獲利樂依先所受略贊中  
道如解深密經中佛依偏計所執說一切法皆無自性  
無生無滅本來涅槃相生勝義三無性已時勝義生菩  
薩曰佛言世尊佛初唯爲發趣聲聞乘者轉四諦輪雖  
其希奇然未了義是諸諍論安足處所次復唯爲趣大

乘者轉隱密輪說一切法皆無自性無生無滅本來涅槃雖更希奇猶未了義亦諸淨論安足處所今爲發起一切乘者轉顯了輪無上無容是勝義中真了義教非諸淨論安足處所金光明經說此三法名轉照持摧破有空具遮表故由諸有情迷法實相起造感業淪生死海大聖法王證法自性善巧方便應彼機宜難言法中以言顯說欲令隨獲中道實相故有頌言

諸佛或說我或時說無我 諸法實相中 無我無非我  
餘經復說佛以一音演無邊義衆生隨類各得解等既  
猶天鼓應念發聲亦類末尼如求雨寶應物雖設種種  
法門智見能知未生畢竟佛涅槃後因彼大天人法乳

紛初封者有如有頃曰

應審觀佛教聖諦說爲依如米泔中金擇取其真實  
聖龍猛等爲除有執米集真教究暢空宗如有頃曰  
真性有爲空如幻緣生故無爲無有實不起似空花  
彼言世俗可說法有依勝義諦一切皆空雖此真空性  
非空有寄詮勝義理皆性空有理由是次生空見無著  
菩薩復請慈尊說中道教雙除二執而說頌言  
虛妄分別有於此二都無此中唯有空於彼亦有此  
故說一切法非空非不空有無及有故是則契中道  
彼言世俗說我法有依勝義諦唯此二空雖佛爲破執  
空執有極相宣說諸法有空或說諸法非空非有名字

性離空有雙非勝義寄詮有空有故故慈氏說有爲無  
爲名之爲有我及我所稱之爲無非說有空法皆空有  
觀斯聖意空有無非法離智詮何空何有對機遣病假  
說有空後諸學徒隨文起執已之所解謂契中宗他之  
所知將爲謬說今贊經義申其兩端妙理是非智者當  
了般若波羅蜜多者大經之通名心經者此經之別稱  
般若之心經也三摩娑釋依士爲名蘇漫多聲屬主爲  
目雖此心經亦名般若彼撻比別故但名心般若慧義  
古釋有三一實相謂真理二觀照謂真慧三文字謂真  
教今釋有五第四眷屬謂万行第五境界謂諸法福智  
俱修有空齊照尋詮會旨究理解生慧性慧資賢名般

若能除障習證法真理衆德之尊万行之導強獨名  
慧攝一切法波羅者彼岸義古說有二謂菩提涅槃今釋  
有五所知二教三理四行五果蜜多者離義到義由  
行般若離諸障染境盡有無解窮六藏義洞真俗業  
備二因覺滿寂圓斯昇彼岸體用兼舉故立此名然所  
修行具七寂勝方可得名波羅蜜多一安住菩薩種性二  
修止大菩提心三悲愍一切有情四具行一切事業五無  
相智所攝受六迴向菩提七不爲二障間雜若行慧等  
一切善業隨闕此一非到彼岸此在初知名波羅蜜多  
在第二知名近波羅蜜多在第三知名大波羅蜜多在  
佛果位中更無異稱今苞因果故舉通名心者堅實

法藏之稱大經隨機義文俱廣受持傳習或生怯退傳法  
聖者錄其堅實妙寂之言別出此經三分二序故皆遺  
闕甄綜精微纂提綱蹟事雖万象統即色而爲空道  
縱千門貫無智而兼得探廣文之秘旨標真心以爲攝經  
著津妙理之格言拯迷生之常軌欲令修證或依或說般  
若真實而說此經故以心目如瑜伽論水陸花等十地  
等經 經曰觀自在菩薩 贊曰勝空者言今此經  
中略有二分初觀自在等破二執顯二空後菩提薩埵  
廣發心疏 卷二  
等歎二依得二利大經言佛告舍利子菩薩摩訶薩行  
深般若波羅蜜多時應如是觀實有菩薩不見有菩  
薩今彼不見故破生執而說生空如應者言今此經中

惣有三分初觀自在等標上人修行勸示發心次舍利  
子等陳機感者名述理垂諭後菩提薩埵等章依學  
之德歎獲勝利或初今練磨次斷除四處後離苦圓證  
練磨有三今標菩薩先修行人勸示發心初練磨也謂聞  
菩提廣大深遠若生退屈應練磨心彼觀自在昔初發  
意具諸煩惱於無明殼建立勝心捨身命財求佛智慧  
興大勇猛已成等覺我亦應勵已增修不應自輕而  
生退屈觀者察義俯救慈悲自在者無滯義躋拔妙  
用諸有懸淨三業歸依必應所祈六通垂化無暇危苦  
飛輪摧拔作不請友爲應病醫攝利難思名觀自在  
又觀者照義了空有慧自在者縱任義所得勝果昔行



六度今得果圓慧觀爲先成十自在一壽自在能延促命二  
心自在生死無染三財自在能隨樂現由施所得四業  
自在唯作善事及勸他爲五生自在隨欲能往由戒所  
得六勝解自在能隨欲變由忍所得七願自在隨所樂  
成由精進所得八神力自在起軍勝通由定所得九智自  
在隨言音慧十法自在於契經等由慧所得位階補處  
道成等覺無幽不燭名觀自在但言觀音詞義俱失菩  
薩者具云菩提薩埵略言菩薩菩提即般若薩埵謂方  
便此二於有情能作一切利益安樂又菩提者覺義智  
所求果薩埵者有情義悲所度生依弘誓語故名菩  
薩又薩埵者勇猛義求大菩提精勤勇猛故名菩薩又

修行者名爲薩埵求三菩提之有情者故名菩薩有具悲  
智徧行慈愍紹隆淨刹俯救穢方機感相應故唯標此  
或處上位濟具大心妙慧成就皆觀自在或指示此令瞞  
曰觀非住西方來遊此者彼大經中不別顯故

經曰行深般若波羅蜜多時 贊曰勝空者言下破法

執而說法空大經次言不見般若波羅蜜多名般若自

性空般若名空故知應者言顯由學慧方照性空示先

處實心處

上三

利

所修法第二練磨心也謂見菩薩万行難行若生

應練磨心我無始來爲求世樂尚能備受無義衆苦

求菩提爲出生死度有情類生怯劣心此深般若彼已

修學我亦應尔省已增修不應退屈彼舍利子先發

施故退求小果恐今更退勸示練磨所言行者

上七

分別智無倒觀空要學

者即名爲行若依

是名爲行無垢稱

然亦言不見不行無自性

故今言行者都無所行是名爲行非有行義或有密取  
餘義釋言若無所行無所不行是則爲行若有所行有  
所不行非爲行也復有異釋動念攀緣爲生死根非爲  
行也澱心絕慮爲出世本是名爲行如應者言譬如幻  
士而有所作雖無實作非無似者待因緣中信學修證  
曾無暫捨然無分別不見行相是謂行義非都無行以

病說除非除法故若本無法何行何除即愚法者稱已  
成覺說有迷悟深自毀傷翳花體空可不資療翳既  
非有如何假除翳既不除初無真眼由何勝義照花體空  
若無所行無所不行有情無明無所不明應從無始一切  
皆明其先未明今明誰也便同異道無所不爲皆理  
乖宗何成覺慧若絕攀慮即是真行應無想等皆真  
聖道徒設受持厭捨造修可諱思惟疾除邪謬今言行者  
雖行而不見行非無行義由此經說不見行不見不行假  
有所行實無行故不見行相是名爲行不尔唯應說不  
見行復言不見不行有何詮理是故定應如後所說此  
所行法云何名深勝空者言妙理玄邈不可思議二乘不

能曉凡夫所不測故名爲深如應者言真淨智境超言  
義道非喻所喻微妙難知故名爲深應勤趣證或此一切  
諸菩薩行真如實相難可圓證智慧觀照難可獲得證  
教文字難可悟說万行眷屬難可成就有空境界難可  
通達以慧爲首餘性或資皆名般若故並名深云何名時  
勝空者言若依世俗信學修證求照達空若依勝義悟  
般若心經 上四 批  
法體空修行般若事緒究竟擬名爲時如應者言然德  
果德殊勝無邊非廣大修無由證得故依此義而誦行  
者要具大梵三種種性於五位漸次修行二種性者一  
本性住種性謂住本識能生無漏本性功能二習所成  
種性謂聞正法等熏習所起云何應知有本性住種性

依之修習大菩提因若性樂施好讚勸他無罪事中應  
時爲說他債不拒受寄無差大財寶中心無耽著若性  
成就軟品惡業不極損他作惡速悔常行慈愛知恩報  
恩凡所規求不以非法樂修福業輕罪重怖見聞受苦  
過於自身善事好同惡法樂遠於諸僣慢當無苦言於  
德有德常生讚仰若被他害無反報心他來諫謝速能  
納受終不結恨不久懷忿若性翹勤夙興晚寐凡事勇  
決樂爲究竟大義無畏不自輕蔑若於法義性審思惟  
好樂寂靜愛慕出離所作無忘於慈慈若性聰慧  
凡學易成離惡事中有力量擇性不能起上煩惱經造無  
聞業斷善根等設生惡趣便能速出亦不受於猛利大

苦雖受微苦發增上厭於苦有情深生悲愍若見有  
此施等麤相纏蓋輕微麤重薄弱應知定有菩提本性  
然由未遇真實善友爲說菩提雖遇爲說顛倒執學方  
便慢慢善根未熟故處生死若入五位所修無邊勝善法  
種名習所成種性五位者何一資糧位從初發起大菩  
提心乃至始修四尋思觀住四十心皆此位攝一信等  
十心一信二精進三念四慧五定六施亦名不退七戒  
八護法九願十迴向二十住一發心二治地三修行四生  
貴五方便六正心七不退八童真九法王子十灌頂三  
十行一歡喜二饒益三無恙四無盡五離癡六善現七  
無著八尊重九善法十真實四十迴向一救護衆生二

不壞三等一切佛四至一切處五無盡功德藏六隨順  
平等善根七隨順等觀一切衆生八如相九無縛無著  
十法界無量三加行位從資糧後四種等持一明得定二  
明增定三印順定四無間定三通達位從四定後初地初  
心真相見道上五四修習位從見道後至金剛定十地修習  
地者一極喜二離垢三發光四焰慧五極難勝六現前  
七遠行八不動九善慧十法雲五究竟位金剛道  
脫道中三種佛身四妙圓寂圓滿佛果雖知五位云何  
修行諸修行者欲證菩提作大利樂要先發起大菩提  
心方興正行譬如大海初有一滴能為諸寶作所住處最  
初發心亦復如是五乘善法皆因此生又如世界初始



漸起即為荷負諸衆生因此心亦亦能為五趣無量種  
類荷負依止又如空界無不含容大菩提心亦復如是  
徧空有為皆厭離故如空菩提皆求證故盡空衆生皆  
深念故此初發心雖為下劣一念福聚尚說難盡況經  
多劫發心修行利樂功德因何發心一者見聞佛等神  
力二者聞說菩薩藏教三者見聞佛法將滅念言法  
住能滅大苦四者末劫多見衆生癡無慙愧慳嫉憂苦  
惡行放逸懈怠不信念言濁世多起如是惡煩惱時我  
當發心令餘學我起菩提願由此便發大菩提心將欲  
發心先具十德起三妙觀十德者親近善友供養諸佛修  
集善根志求勝法心常柔和遭苦能忍慈悲淳厚深

心平等信樂大乘求佛智慧三妙觀者一歇離有為謂  
觀生死惡趣無暇衆苦逼迫自身之中五蘊四大能生惡  
業九孔常流臭穢不淨三十六物之所集起無量煩惱  
燒煮身心如沫如泡念念遷謝癡覆造業六趣輪迴諦  
審思惟深心歇捨二求菩提謂觀佛果相好莊嚴法身  
本淨具戒等蘊力無畏等無量勝法成二妙智慈愍衆  
生開導愚迷令行正路諸有情類遇皆除惱見是功  
德修集希求三念衆生謂觀衆生癡愛所惑受大極苦  
不信因果造惡業因歇捨正法信受邪道四流所流七漏  
所漏雖畏衆苦還為惡業而常自作憂悲苦惱愛別  
離苦見已還愛怨憎會苦覺已弥怨為欲起業生苦無

欲求樂犯戒懷憂縱逸作無間業頑蔽無慙謗毀大乘  
癡執生慢雖懷聰敏具斷善根竟自貢高常無改悔  
生八無暇置法修行雖聞不持翻習邪業得世妙果謂  
證涅槃受彼樂終還生惡趣見是等輩深心悲愍次應  
論發心疏發心應如是發願上六我決定當證無上正等菩提能作有情

一切義利隨意愛樂諸佛之名如釋迦佛初發心願如  
清淨心有頌言於三無數劫逆次逢勝觀然燈寶髻佛初釋迦  
牟尼無著菩薩由此說言清淨增上力堅固心勝進  
名菩薩初修無數三大劫先起信精進念定慧根降  
伏障染次發大願常逢善友以為勝緣雖遇惡友方便  
阻壞終不棄捨大菩提心所修善法運運增長以不退

屈而為策發齊是名為軍初修行依如上說初發心已  
即名趣入無上菩提預在大乘諸菩薩數於生死海作出  
限量勇猛定當速登彼岸次應修行此有二種一略二  
廣略復有三一境二行三所得果由昔不知真妄境界  
起煩惱等因受眾苦今正翻彼故亦有三由此軍初應  
審觀境既知善惡修斷行成因行既圓果德便證諸  
佛聖教雖復無邊說修行門不過三種故修行者應依  
此學云何名為所觀境界謂初觀察從緣所生一切色心  
諸心所等似空花相誑惑愚夫名依他起愚夫不了於  
斯妄執為我為法喻實空花性相都無名計所執依  
他起上我法本空由觀此空所顯真理譬若虛空名圓

成實諸所知法不越有無無法體無但可長說名計所  
執橫徧計心之所執故有法體有理應分別諸有為法  
名依他起緣生事故一切無為名圓成實法本理故或  
有漏法名依他起性顛倒故諸無漏法名圓成實非顛  
倒故知境界已應修正行一因聞所成二因思所成三因  
修所成此三雖通福慧二種一切功德然行根本甚深  
綱要勝義易入應時無等離諸過者徧觀詳審唯識  
為要漸悟頓悟小乘大乘無不依說此深理故智度論說  
菩薩復作是念三界所有皆心所作以隨心念皆悉得  
見以心見佛以心作佛心即是佛心即我身心不自知亦  
不自見若取心相悉皆無智心亦虛妄皆從無明出

因是心相即入諸法實相故唯識觀取為第一識者心  
也由心集起彩畫為主獨立唯名攝所餘法唯言為遮  
所執我法離心而有識言為表因緣法性皆不離心顯  
法離心決定非有名為唯識非謂一切唯一識心更無餘  
物善友惡友諸果諸因理事真俗皆不無故計所執性  
唯虛妄識依他起性唯世俗識圓成實性唯勝義識  
是故諸法皆不離心如有頌言

鬼傍生人天各隨其所應等事心異故許義非真實  
於過去事等夢像二影中雖所緣非實而境相成就  
此等處處說唯有心恐厭文繁故略應止今詳聖教所  
說唯識雖無量種不過五重一遣虛存實識觀徧計所

執唯虛妄起都無體用應正遣空情有理無故觀依他  
圓成諸法體實二智境界應正存有有理有情無故無著  
菩薩頌言 名義平爲客其性應尋思於二亦當推  
唯量及唯假 實智觀無義 唯有分別三 彼無故此無  
是則入三性 遣者空觀對破有執存者有觀對遣空  
執合觀空有而遣有空有空若無亦無空有以彼空有  
相待觀成然有純空誰之空有故欲證入離言法性皆須  
依此方便而入非謂空有皆即決定證真觀位非有非  
空法無分別難思議故說要觀空方證真者謂即觀  
彼偏計所執空爲門故入於真性真體非空此唯識言  
既遮所執若執實有諸識可唯既是所執亦應除遣

諸處所言一切唯識二諦三性三無性三解脫門三無生忍  
四悉檀四盟陀南四尋思四如實智五忍觀等皆此觀  
攝二捨濫留純識雖觀事理皆不離識然此內識有  
境有心心起必託內境生故但識言唯不言唯境成唯  
識言識唯有境亦通外恐濫外故但言唯識又諸愚  
夫迷執於境起煩惱業生死泥淪不解觀心勤求出離  
哀憐彼故說唯識言今自觀心解脫生死非謂內境  
如外都無由境有濫捨不稱唯心體既純留說唯識  
故厚嚴經言心意識所緣皆非離自性故我說一切  
唯有識無餘華嚴經說三界唯心遺教經言是故汝  
等當好制心制之一處無事不辦等皆此觀攝三攝末



歸本識心內所取境界顯然內能取心作用亦介此之  
二法俱依識有離識體本末法必無故唯識三十頌言

由假說我法有種種相轉彼依識所變此能變唯三

成唯識說變謂識體轉似二分相見俱依自證起故

解深密說諸識所緣唯識所現攝相見未歸識本故所

說理事真俗觀等皆此門攝四隱劣顯勝識心及心所俱

能變現但說唯心非唯心所心王體勝所劣依生隱劣不

章唯顯勝法故慈氏說許心似二現如是似貪等

或似於信等無別添善法無垢稱言隨心垢淨等皆此

觀攝五遣相證性識識言所表具有理事事為相用遣

而不取理為性體應求作證攝論頌言

於繩起地覺 見繩了義無 證見彼分時 知如地智亂  
餘經說心自性清淨諸法賢聖皆即真如依他相識根  
本性故又說一諦一乘一依佛性法身如來藏空真如  
無相不生不滅不二法門無諸分別離言觀等皆此觀  
攝如是所說空有境心用體臣王事理五種從塵至細  
展轉相推唯識妙理摠攝一切以聞思修所成妙慧而  
爲觀體明了簡擇非生得善若欲界觀唯有聞思色  
界觀中通聞修慧無色界觀但修無餘無漏觀修義通  
前三此諸唯識從初發意四心中聽聞思惟但深信解  
隨所遇境依教思量令彼觀心漸漸增勝未能修位觀  
二取空雖必入修猶非正勝於加行位四等持中起四尋

思審觀所取若名若義自性差別假有實無起如實  
智於能取識徧知非有故聖慈尊教授頌曰

菩薩於定位觀影唯是心義想既滅除審觀唯自想  
如是住內心知所取非有次能取亦無後觸無所得  
此位菩薩雖得修觀猶帶相故未能證實通達位中無  
分別智於所緣境都無所得理智既冥心境玄會有空  
之相時不現前唯識真理方名證得故本頌言

若時於所緣智都無所得今時住唯識離二取相故  
證真識已起後得智方證俗識厚嚴經言

非不見真如而能了諸行皆如幻事等雖有而非真  
至此位中名達法界住極喜地生如來家自知不久成

無上覺於修習位修有差別初四地中真俗唯識各各  
別證於第五地方必合觀然極用功未常住運至第七  
地觀真俗識雖得長時而有加行八地已上無勉勵修  
幽贊疏 上十號任運空中起有勝行至究竟位雖更不修念念具能緣  
真俗識所修有二現行二種子於初二位有漏三慧皆  
通二修種修無漏通達位中無漏修慧通現種修有漏  
唯種在修習位七地已前有漏無漏皆具三慧通現  
種修八地已上有漏唯種無漏三慧通現種修於究竟  
位有漏皆捨雖唯無漏然具現種所言修者令觀種現  
展轉增勝生長圓滿有自在者下亦修上未自在者不  
能上修此唯識修攝攝諸行諸行皆依唯識修故此略

修行果相云何有漏修者能感世間一切妙果無漏修者永滅諸障得大菩提窮盡未來廣生饒益此說別得若互相資容得一切說略修已云何廣修此亦有二三所學處二所學法三能學人最初應知所學之處次應依彼如是而學然後方成能修學者故三皆是菩薩行攝初所學處略有五種一所化處謂應了知三乘不定阿顛底迦種性差別如應成熟二利他行處若純自利如爲己樂求財受用爲慳法故追訪受持爲生天樂持戒修行求有染果供養三寶爲貪利譽自說已德令他脫難還自攝受耽定味等捨利有情若純利他如以邪見修行施等以無因見缺行說法此等純利皆應除斷

無罪二利應善勤修三真實義處謂於如所有性盡所  
有性世間所成道理所成二障淨智所行真實等隨應  
修斷四威力處謂神通威力六到彼岸能斷慳等乃至  
與當來果若法威力爲利有情堪忍大苦四生信委八  
相現化逆胎盲等遇皆饒益等俱生威力法界有情處  
時法器普能了知神通化境徧無邊界等共不共威力  
知此五力應正勤修成自佛法五菩提處謂智斷等一  
切功德應徧了達希當果證如是五處最先應達所化  
機宜方應發起利他勝行次知實義可斷可修於威力  
門修成自利後於果位無上菩提愛樂希求精勤修證  
知學處已次應修學所學法者初於三賢功德佛菩薩

威力諸真實義無倒因果應得義利得此方便善言善

說契經等中淨信勝解決定喜樂次應求法當於一切

諸善心樂

上十二

我

佛法內論因論聲論醫論工論應正勤求應去何求於

佛正法應住猛利愛重求聞設為聽聞一句善法路猶

鐵地尚歡喜入何況欲聞多善言義雖愛自身及諸資

什比愛正法非為譬喻無足無倦深信柔和心直愛德

愛法往法師所無詰難心唯作妙寶慧眼智明勝果

無罪悅意之想深生敬重無高慢心不作壞戒卑族醜

陋拙文鄙句異意之想唯為求善非顯己德不為名利

而求正法應時殷重恭敬聽聞勿起損害順求過心於

其自身亦不輕蔑唯為求解專精屬耳掃滌攝持何義

故求於內明處爲自修習利悟於他於因明處爲伏邪  
論安立正道於聲明處爲令信樂典語衆生深生敬等  
於醫方明處爲息衆病安樂衆生於工業明處爲以  
少力多集珍財廣生饒益要於此五次第勤求無障智生  
資糧速滿次應爲他宣說正法說五明處隨應利樂云  
何而說謂應安住如法威儀不爲無病處高坐等而說  
正法諸佛菩薩敬重法故令他於法極珍敬故應無間  
說勿作師拳隨衆所欣次第標釋無慳慳相名隨順說  
於有怨者應住慈心於行惡者住利益心於有樂放逸  
有苦下劣者應住利樂哀愍之心不起嫉妒自讚毀他  
不希名利恭敬讚歎而爲說法次應修行於佛所制有



罪三業善能速離所聞事業無倒修行獨居閑靜思所  
聞法無閒殷重觀察稱量未知求知己知勿忘未達推佛  
不生誹謗恐無慧目直心強信善知密意異說無動於  
離言境專注繫心離諸戲論無擾亂想修奢摩他毗  
鉢舍那次應教授應觀於彼心根意樂隨宜爲說處  
中之行令其捨棄增上慢等次應教誡應遮有罪開許  
無罪諸現行事暫行犯者如法諫誨若有數犯起無染  
異親善意樂呵擯令憶下犯權時上犯永擯勿令犯者  
多攝非福能正行者慈愛稱歎謙冲曉喻令喜增修次  
安三業先以財物饒益有情令聽所說奉教行故於有  
癡者當行愛語令其攝受瞻察正理拔出不善勸安善

般若波羅蜜多心經幽贊上卷

處於正事業應共修行令所化生無他說故次修波羅蜜  
多施法寶即捨位心時無貪主三三業凡行布施若唯令樂不作善利  
或非利樂俱不應與若唯善利而非安樂或俱利樂皆  
應施與若希財物惑彼所須規諸欲心應隨自在若求  
刀等爲自他害非已財物媒嫌他人食等有虫無義樂  
具煞害物法邪化天祀水陸衆生損煞處所怨希仇隙  
病異非宜饞嗜數求愁憂規損抑奪卑劣樂惡求位  
奪施施他卒暴損餘口違學處怨親等所生分別心  
許勝與劣許多與少或懷異意生憤濁心施已稱揚說  
恩向彼捺擲所捨邪狀惡求意興邪施執爲善淨他  
之所引怖自貧窮餘殘及穢與出家者曹不告白竊施

非法不合儀物持以惠捨數求還往親附攝屬依世名譽  
求報恩果規餘敬歎意劣限量初以誑與後便傾敗去  
離屬已自怠策他不依來者次第均給心不清淨後生  
悔惱求真與假先未運心不應其時乖儀散亂嗤笑輕  
弄令生愧赧見來頻默研求不與外道覓過求佛正法  
街賣秘藏業未成法此等有過皆不應爲與上相違一  
切應作財寶若乏應思來者一是安樂非貧苦類二是  
危苦無依怙等揆已財足俱應遂願以應善遣安樂來  
求知有懷慳或先貧乏寄之樹福方便導引言無損費  
仍爲饒益我有珍財隨汝取施慎勿令彼求者空還我  
若施時汝應隨喜令懷悅意施種漸生見示相求知樂

應與若有矯詐欺誑乞求掩過勿傷稱滿其願令無著  
愧歡喜而往有初欺詐後始覺知勿舉勿呵但生悲愍  
彼悞於我起此愆違我懷喜心令彼無罪若無財寶隨  
已所能如法經求令施無闕於佛正法巧妙宣揚令諸  
有情隨應習施見常惠捨應教數求策施者心勿令  
欺閼惡供明黨不敬忘念知餘有法應求轉施或書寫  
與若見餘無更寫無力當應思審我非慳所蔽別礙勝  
須邪若有慳礙即應施與由施癡癡尚應無怯況令關  
乏妙智資糧若無慳礙但爲勝須思施彼時爲滅煩惱爲  
念生類爲滿智因觀無煩惱見若不施增智資糧當豐  
巧慧亦爲愛念或及餘生若施彼時便唯念此如是不

施非違淨戒善設軌儀曉喻發遣若畜財寶爲作淨  
故心應奉施諸佛菩薩雖畜財寶猶住聖種恆思此福令  
常增長如佛菩薩所守護持若觀施時不稱正理應言  
首賢此是他物不許施汝慰喻發遣或持餘財恭敬陪  
施今知施者非慳怯故然知此等或非已物於有怨苦  
德恩有情應行慈悲喜捨而施若有四障不能惠捨  
應起四智而對除之一有財寶心不樂施應思由先曾  
未串習今不強捨後更增悭故力勵修生覺悟智二財  
歎關心不樂施思此匱乏障施因緣應起悲心自受貧  
苦見施利益生忍苦智三財悅意心不樂施思此耽著  
虛妄顛倒應覺能生當來衆苦故力勵捨生知倒智

四雖行施唯欣世果當疾通達是邪果見應觀諸行皆  
不堅牢離散速盡不生欣樂唯求菩提生不堅智應居閑  
靜起深厚信數數緣念多妙財寶以意解力施諸衆生  
故少用功生無量福於所寶愛能自開捨設艱辛得亦勿  
慳吝信心恭敬自手應時不損自他而行惠捨此有三種  
與淨妙物廣修財施拔除恐怖修無畏施勸修善業  
而行法施速疾而與不作稽留非彼疾望如速捨者隨  
有即施非積方捨於彼謙下無竟無慢戒即受學淨戒  
三業凡修淨戒正受淨意犯已還淨敬念無犯正受有  
犯觀他起愧淨意有犯自顧生慙故能護戒還淨敬念  
由前二故離諸惡作初二後一能不毀戒犯已還淨能還

速出即妙無量饒益大果勝利淨戒在家出家俱修  
三種一律儀戒謂即七衆所受律儀住出家者捨輪王  
位如弃草穢不希天欲況餘財位尚厭勝果況卑賤事  
勤更修餘非戒爲足雜惡言念設起速悔漸爲拘檢正  
理言念聞難行事心不驚怯怒已勤修不同他非常察  
已過見諸兇暴悲心攝受害觸無恙勿行訶擯有過悔  
除誓更勿犯少欲喜足堪忍衆苦不掉不躁威儀寂靜  
離矯誑等諸邪命法二攝善法戒爲受戒後爲大菩提  
所集善法依戒獨處起聞思修尊所敬事病所憐愍說  
施善哉聽施讚美於善隨喜諸善迴向發願供養精  
勤護戒飲食知量密護根門初後夜中常生寤寐親依

善友勿顧身財於惡法中皆不忍受善知因果乃至捨障便能漸次住十度中三饒益有情戒於諸有情無倒事業皆爲助伴病者供侍盲者啓導龍瞽者撫義強者曉像迷示隅途疲施安息缺支者惠以荷乘其愚騃者誨以勝慧除彼纏尋解他勝蔑勸斷惡教獲珍財今信聖教盡結難苦守恩思報見讚善來歡慰此誠談諠設座隨答名利等增非勞怖者救護憂者開解常備資財隨求即與初爲依御後方濟給若自置之巡覓與之有衆同用自無隱費數數應行教授教誠除無利行餘隨他轉非訶違犯終不惱他亦不輕誚令生愧赧不彰他屈不自貢高不極親近非不親近亦不非時親近於彼不毀他愛



不讚他憎非情交者不吐實誠不屢希求不乖先諾是名  
無量大功德藏若諸菩薩先於菩提發弘願已欲勤修  
學於能開授如法請受時彼菩薩令求受者生殷淨心  
專念長養爲正開授若無授者於佛像前如法自受此  
後數思菩薩應作非所應作聽聞能解契經本母若  
難恥慧廣說乃至謗菩薩藏不應從受不信謗毀亦  
勿開示如住淨戒具大功德被誹謗者亦成大罪言見未  
捨終不勉離非唯他勸及爲勝他自慧思擇起堅固受  
有四他勝處法一爲名利恭敬自讚毀他二從求財法慳  
慳不與三害惱歸謝不捨怨結四謗菩薩藏樂宜像法自  
信隨他犯此不堪增長淨意攝大資糧相似菩薩非

真菩薩略曰二緣捨此淨戒一捨無上菩提大願三  
品經犯他勝處下中經犯不捨淨戒數犯四種都無慙  
愧樂犯爲德名上經犯非一暫行即名爲捨若無二  
緣雖轉餘生淨戒不捨餘生忘失雖數更受惜寤戒  
念非新受得住此戒者於佛法僧及安造處應日中  
隨應供養下礼一拜少讚四句極生一信隨念實德無令  
空度恭敬策勤勿生大欲厭捨名利敬侍耆德依理酬  
對赴如法請受無染施捨無染法於性遮罪應等護持  
若爲利他隨應現起應住正命三業寂靜讚歎生死歎  
欣讚湔主盤疏惡聲稱譽自護清淨諫謝侵犯不酬瞋拏無  
染管御時量倚眠離愛談說卑下求法斷除五蓋不

毀三乘善究竟菩薩藏方學聲聞藏精閑佛法方習外  
論上聰敏者於日日中二分學內二分學外猶如辛味而習  
近之法可信受方以利樂聞如理法勵意往聽巧依文義  
敬歎法師乃至現通能正引攝如是一切其心狂亂重苦  
所逼未受淨戒及住十地皆無違犯與上相違當知有  
犯若上經犯於三或多解諸乘者如法悔滅悔已更受  
下中經犯對一發露現前若無可對滅者清意自誓更勿  
重犯由此於犯還出還淨依此修習得三滿樂一行滿由  
無缺犯三業清淨二意滿爲法出家求大菩提乃至不  
爲當來異熟三因滿昔行妙業今得勝果復能修善  
豈非安樂與此相違衰損危苦爲持淨戒捨大財位乃

至命終無少缺犯常不放逸亦不悞犯由此生生常獲五  
利一爲十方諸佛護念二捨命時住大歡喜三持戒者  
常爲親友四功德藏成就圓滿五生生常得戒成其性  
爲住其心成熟佛法利有情故專精勿犯忍即於境  
所有無瞋精進審慧此有三種一耐怨害忍謂遇他害  
應作是思此我先業今若不忍更作苦因便非愛已  
成自縛害又自他身性皆行苦彼無知故增害我身我  
既有知寧增彼苦聲聞自利尚不苦他我既利他應  
忍他害作此思已以用功力攝無量果憎皆有情除其恚  
惱應修五想一念彼於我無始長時或爲親屬或爲我  
友應捨怨害住親善想二念託衆緣唯行唯法都無有

我誰爲怨害應捨有情住唯法想三念彼生長自性無  
常我極報怨不過斷命誰有智者於彼身命生死法中  
而欲更煞尚不應起染濁之心況復加害應捨常堅住  
無常想四念衰盛者皆爲三苦常所隨逐我今於彼  
應設方便令永捨離何容更苦應斷有樂住有苦想五  
念求菩提本爲生類應與義利攝受爲親何容令者反  
加怨害應捨於他住攝受想自無憤勃不報他怨亦不  
隨眠流注相續故於怨害皆能忍受二安受苦忍若逢  
山陰志事苦應作是思我從無始愚癡過失爲求諸欲尚受衆  
大教苦況求菩提成大事業縱經百千俱胝大苦亦應忍受  
況小苦哉若於一切四事什物欺弊稽侮不生憂悵世

法衰毀乃至病死住四威儀爲攝受法毀改形自著壞  
色衣自翫自攝習行乞求并非法財絕孀欲樂修善利  
益如法勤劬皆能忍受精進匪懈求大菩提難異深心勿  
生退轉三諦察法忍於三寶等串習淨智善安勝解故  
於羸劣卑賤有情自居尊貴臣隸等所怨親中等皆能  
忍受衆前昇處晝夜往來乃至疾卧三業修習於有損  
惱由忍故離有處所求由忍故與常作饒益先後無異  
非益已捨而不益怨所速謝怨謝速受勿令於已生疲  
極心不堪忍所起上慙愧審觀由忍現世安樂能除不  
善引安樂因臨終不悔後生善趣無怨無難證無上覺  
亦見不忍所有苦果自作教他讚勵慶慰精進卽是

修善品時勇悍三業此略有三一加行精進謂修善法  
心生勇悍先擇擔甲我今爲脫二有情苦以千大劫等一  
日夜或復過此百千倍數常處地獄方證菩提我之勇  
悍亦無退屈何況所經時短苦縛於此能起少分信解  
尚長無量大菩提因何況成就故修善位無少怯劣二  
攝善精進謂此能引能滿衆行一切分別煩惱異論苦  
觸不動殷重乃至難慢而行世尊常時稱讚精進故  
能滿善疾證菩提三饒益有情精進謂即前說利樂  
有情種種策勵如是遠離身資計想盡衆同分無間無  
廢平等通達功德相應不緩不急無倒修習能令衆法  
不生斷滅亦令白法新生廣大三業清淨三慧增長無捨

無退無下無倒勤勇而行有勢有勤有勇堅猛不捨善  
軌猛利樂欲等修無卷如威頭然疾斷煩惱法隨法行  
護已利他靜慮即是聞思爲先心一境性此有三種一現  
法樂住靜慮謂離分別憎掉愛相能生輕安寂靜等  
持二引發神通靜慮謂能引住神通等持三饒益有情  
靜慮謂爲利樂所有等持由依靜慮能成呪術息災  
厄除衆病致甘雨拔怖畏施財位與飲食諫誨放逸造  
應作事神通記說教誡變現乃至放光息除衆苦亦能  
永斷一切重障慧即於境如理簡擇此有三種一於所知  
隨覺真慧謂於無我真勝義中平等將覺二於五明三  
聚如慧謂攝受此能速圓滿智資糧覺三作有情諸義



利慧謂助伴等俱行妙覺學內明處淨慧爲依示現愚  
癡教導放逸讚勵怯弱慶慰勤修次修四攝事一者布  
施如上已訖二者愛語常說悅意諦實如法引義之語遠  
離顛倒含咲先言命進問安隨宜慰喻見有昌盛而不  
自知覺善法增而申慶悅說佛法教常爲勝益於已怨  
仇起清淨意於極癡者摺除疑惑於真福田諂誑惡行  
都無嫌恨修難愛語欲除障蓋爲說先作心調善者爲  
說諸法多放逸者誨令出離有疑惑者談說決擇依四  
淨語起八聖語三者利行由愛語故先示正理隨所學處  
悲無染心勸導調伏安處建立能令獲得現利財位後  
利出家俱利離欲輕安解脫習近惡友未植善根著大

財位深極放逸外道僻執邪見誹謗常起八纏十惡業者  
於此一切皆能開解起大悲心雖受大苦心無勞倦倍生  
歡喜雖處財位最勝第一而自卑屈如僕如奴如旃茶  
羅如孝子等無染無偽真實哀憐慈愍之心永不退  
轉四者同事以此義利若勸他學亦自修學教他知  
已所修同事善根堅固不生退轉今作是念此所教  
我定有利樂彼自行故不令便言汝自不善何能教我  
汝但於他諮受此事次供養三寶一於對現前佛設利羅  
及制多等親面供養二於餘三世十方佛制多等作佛  
等想修不現前供養三現對前時復作是念二佛制多  
等法性即三世十方諸佛制多等法性故我今者現前

供養一佛制多等即是供養三世十方佛制多等修現  
前不現前供養若佛滅後造一或多佛制多等而爲供  
養當獲無量大福德果受大梵福無數大劫不墮惡趣  
亦滿無上菩提資糧四於如是所唯自供養五若起悲  
心以隨力物施貧苦等願彼安樂令他供養六或俱供  
養自旣作時復勸教他作此供養七以花香等敬問礼  
發心緣拜乃至以珍寶等修財敬供養八即以財敬長時多妙  
乃至淨心迴向菩提修廣大供養九不以輕慢矯詐放  
逸不淨物等修無染供養自力集財從他求得發願想  
化爲百千身恭敬禮拜二化身出百千手持散花香出  
百千聲歌讚實德復出百千妙莊嚴具而爲供養想瞻

部洲乃至十方所有供養普生隨喜雖以用功而興無邊  
廣大供養應起善心真歡喜心精勤修學十若有須臾  
修四無量乃至少時信忍離言真如法性起無分別住無  
相心即爲守護菩薩淨戒乃至修行四攝事等修正行  
供養應念此爲最上勝妙過前供養百千万倍不可比  
喻修供養時應念如來是大福田具大恩德難遇獨出  
衆義依止於法於僧供養思念隨應亦當獲大果說  
不能盡次應親近善友戒無穿缺多聞修證哀愍無畏  
堪忍無倦言詞辯了名善友相求施利樂於此正知有力  
善摧饒益不捨大悲無儻名爲善友所作不虛威儀圓  
滿言行敦肅無矯無嫉檢畜隨捨諫舉令憶教授教

誠能爲說法是名善友可爲依信有病無病愛敬供  
侍翹問迎禮修和敬業四事什物不闕應時詣敬承事問  
聽無動名爲親近次修無量法界有情捨爲三類一無苦  
無樂二有苦三有樂於此三類慈悲喜捨於其十方初  
有情類欲求樂者作有情緣無倒與樂名有情緣慈  
作唯法想假說有情名法緣慈復於諸法離分別想  
名無緣慈於有苦者欲拔苦故修有情緣悲於有樂者  
助彼喜故修有情緣喜於無苦無樂者起離癡想於有  
苦者起離瞋想於有樂者起離貪想平等欲令離諸苦  
故名有情緣捨餘並同前三無量中初共外道次共二乘  
後唯菩薩初三安樂後一利益次修懃愧若有應作而

不隨之隨不應作於覆己惡已可悔事隨逐不捨應顧  
內身著耻法教遵崇賢聖寶重善法修起於慙外顧世  
軌著耻惡名輕侮覓願拒憚惡法修起於愧次修堅力  
禁制係心勿隨惑得雖遭大苦修行無動勇猛思擇  
堅持自性次觀世間命濁有情濁煩惱濁見濁及以劫  
此等濁厭離憐愍見器成壞修無常想觀自內身六界集起  
此等假立名性而不堅執年德耆尊迎敬問禮如父母想二  
俱相似託慰談論如兄弟想俱卑劣者慈愛勸修如男  
女想處尊見卑終不戾傲繼懷資給攝受隨順若識  
不識有病無病貴賤貧富一切等心爲友爲朋無怨無隙  
設有違犯終不辟諱勿令項吏住不安樂離十四垢業

藏隱六方遠四惡明攝四善友分財平等他物不規審  
觀財寶稱直買賣彼若不解無枉毫釐次修四依唯求  
於義不依飾文起敬受故唯依於法不依說者心住理故  
唯依了義經不依不了義經無疑慮故唯依於智不依  
於識證決定故以要言之四無礙解乃至四妙持持三  
十二相業乃至一切種妙智皆是菩薩正所應學以身  
語意普爲有情於一切時歡喜無變不損惱他唯見功  
德真實寂靜心善決定不怖異熟等修一切種皆令現  
行不淨觀等乃至三十七種菩提分法菩薩雖與二乘  
別修而不作證皆如經說次應修願捨發一種攝一切願  
謂攝受正法復有三願一於生生得正法智二無厭心爲

衆生說三捨身命財護持正法復有四願一未離苦者  
速離二未得樂者疾得三未發心斷惡修善者發  
心斷惡修善四未成佛者早得成佛復有五願一若  
發心願最初願得無上菩提二者受生願生善趣隨順  
饒益三者所行願正思擇修諸善業四者正願願攝一切  
菩薩功德若別若總所有正願五者大願此有十種願當  
獲得上妙供具供養諸佛願護正法傳持不斷願如諸  
佛八相現化願行一切菩薩正行願普成熟一切有情  
願諸世界皆能示現願能淨修一切佛土願諸菩薩同  
趣大乘願所修行皆不虛弃願當速證無上菩提欲令  
所修果廣大故修二一行皆發此願如上所說一切願行



四十二心中通所修法位別修者初發心住學十種法  
供養佛讚菩薩護眾生心親近賢明讚不退法修  
佛功德歎生佛前修習三昧讚離生死爲若歸依亦  
修十力如是餘位各有二十別所修法廣說如經然此  
位中多修散行山梵論云亦修定未已制伏將人加行位前方便  
中先修三三摩地諸法有二謂有非有有爲無爲名之  
爲有我及我所名爲非有於妄生死依他有爲可厭逆  
故修無願三摩地於真涅槃圓成無爲正願樂故修無  
相三摩地於我我所徧計所執非有事中無願無無願  
故修空三摩地此若但言空無願相通有漏無漏三慧  
定散言三摩地通有無漏唯修非散言解脫門唯是

無漏亦修非散此位所修准義應悉次修四種法盟柁  
南欲今有情清淨故說一觀諸行皆是無常有生滅故  
二觀無常皆悉是苦具逼迫故三觀涅槃性相寂靜離  
苦蘊故四觀諸法皆都無我無主宰故修方便已次於  
加行煖頂二位修四尋思忍世第一法修四如實智印修  
空相修自利已通修五無量起利他善巧爲饒益故初  
觀六十四種有情依起次化次觀十方世界差別有情  
在彼染淨可得次觀善等諸法類異即此有情有堪  
任勢力修解脫苦者次觀五十五種所調伏差別要由  
善巧令得解脫次觀隨應調伏方便於加行位修二利  
已於初地中以無漏觀證達理事名真相見無以散修

如略行中已略解相從此位後於十地中修十勝行斷十  
重障證十真如十勝行者謂前施等六到彼岸又加方  
便願力智度一切妙行皆此十攝方便善巧有十二種悲  
心願應了知諸行欣佛妙智樂處生死輪迴不塗熾然  
精進此六爲內令以少善感無量果令以少力攝大善  
根憎聖教者除其恚心處中住者令其趣入已趣入  
者令其成熟已成熟者令得解脫此六爲外如是十二  
揅束爲二一迴向二拔濟願有五種此揅爲二一求菩提  
二行利樂力有十種揅攝爲二一思擇二修習智證諸  
法安立淨智此亦有二一受用法界二成熟有情於前  
所說施等諸行十地所修過前增勝謂揅求身及支

節等以無染心而隨彼欲若求爲過寧以百千身命  
布施終不遂彼施意若淨現利衆生有七身支魔等興  
惱癡狂心亂皆不應與若怒食吐等活命衆生應數吐  
此等之魔食等而行布施一切有恩未喻親屬雖已曉喻求者兇  
殘軟等妻孥將爲僕隸皆不應施與上相違應行惠捨  
寧犯性罪自墮地獄終不令他逆業成就審起思惟心  
非不善深生慙愧憐愍煞之暴惡宰官方便黥廢劫守  
盜賊奪廢隨還無屬繼心求非梵行方便隨許令種善  
根出家菩薩皆不應介爲拔他難起虛誑語令難惡明  
說難聞語遮越正路出處惡語引攝機宜行雜穢語由  
此便生無量功德或現神通示諸惡趣怖之令見永離不

善若無信等同事不答示相現通令怖信等行是利行  
今得利益若遭苦逼能無異想證諦察忍勇捍無倦  
能住殊勝甚難思度十方種性所有等持命終不捨還  
生欲界能起勝義平等徧滿拯正已覺由此能知諸法  
無我調伏方便境界無礙於攝事中或有隱已功德威  
力是他同事而不顯現或化怖畏生狗等中非他同事  
而自顯現所作善根猶可搖動爲令堅住實現同事若  
行放逸二種俱非於供養中由於佛等得平等故具足珍  
寶或以神通化爲無量珍寶衆具乃至禮拜持散讚揚  
十方三寶真行供養修無量中得有情平等證俗真故  
作證修習即悲無量亦名大悲緣微細苦長時修習猛

利發起極清淨故修此心時即修一切菩薩悲心悲意  
樂淨故於諸有情獲極親厚愛念恩德無厭代受有  
堪能心聲聞已得菩提究竟深遠厭心不如菩薩悲前  
行心由此熏修無以內外而不能捨乃至妙慧無不能入  
菩薩菩提由悲建立故於生死堪忍衆苦又於十地各  
有別修謂初布施乃至第十神通作業此等隨應皆  
十行攝唯說十度不增減者頌曰

障富貴善趣不捨諸有情於失德減增令趣入解脫  
障施等諸善無盡亦無間所作善決定受用法成熟  
十種障者隨修十度十地所斷俱生無明又有十障謂  
異生性乃至諸法未自在障十真如者一徧行由此能

得自他平等二最勝由此徧修同出離行三勝流由此  
求法不顧身命四無攝受由此乃至法愛亦皆轉滅五  
相續無別由此得十意樂平等淨心六無染淨由此能  
知緣起無染無淨七法無別由此知法無相不行契經等  
種種法相中八相土自在所依由此圓證無生法忍不見  
染淨一法減增九智自在所依由此圓滿證無礙解十  
業自在所依隨欲化爲利樂事故一切菩薩應以四  
相修前諸行一者善修皆悉決定委悉恒常無罪修  
作二者善巧令獲義利修瑩律儀所愛當滿應機說  
法三者饒益能以利樂別摠隨興四者迴向三門積集去  
來今世所有善根一切攝取以淳一味妙淨信心迴求菩

般若波羅蜜多心經贊上卷

提不希餘果應以七相憐愍有情非怖畏彼如理勸授  
無厭倦心不待他請無所怖望遭害不捨平等無限如  
是一切名所學法三世菩薩勤修此等曾當現證無上  
菩提更無增減諸出家者離攝親屬棄世業務能行  
梵行修證圓滿住淨戒中出言咸信諸在家者無是衆  
德誠大尊高真勝殊勝  
般若波羅蜜多心經贊卷上





阿彌陀經通贊疏卷下

統

大慈恩寺沙門 窺基 撰

經今時佛告長老舍利弗從是西方過十萬億佛土  
有世界名曰極樂 贊曰第二正宗分也大文分

六第一標淨方之宗果經今時佛告長老舍利弗從  
是西方過十萬億佛土有世界名曰極樂乃至得與  
是諸上善人俱會一處第二明極樂之目

善根福德因緣得生彼國

主文目

難事經舍利弗當知我於五濁惡世行此難事乃至  
經終五行來是初文分二初畧明淨土二廣明淨土  
初文有七一指方所二明數量三顯國名四明化主  
五辯說法六徵國名号七結成極樂此初三也佛告  
告語也從是西方者從是此土遠指西方過十萬億  
佛土明數量也有世界名曰極樂顯國名也極樂國  
土正是經宗旨驚予以令知誘含生而忻慕不能廣  
叙聊述七門第一釋名第二出體第三辯假實第四  
漏無漏料揀第五五位分別第六三科收攝第七釋

阿弥陀經通贊疏卷下

其妨難且釋名者世者可破壞義界者境分劑也即  
所居士名曰極樂者樂即能居者第六識相應樂受  
也世即界持業釋也極者至極樂受世界者即是無  
情相違釋也出體者極樂者即至極樂受也世者即  
有情無情法上不堅可破壞而立世名即色心上假  
立界者四塵五塵為體雖聖境無分惡義是塵之類  
故亦呼為塵細四相遷亦名世界辯假實考若是化  
淨土而但是假是定果色去者有情未除穢種不能  
變得淨土但是變心如三變土田等不乖唯識漏無

漏料揀者若是佛本質淨土唯無漏攝若往生有情  
及菩薩所變淨土唯是有漏謂第八識果轉非因故  
五位分別者極樂者心所收世界者即色法攝三科  
收攝者極樂即行蘊收世界色蘊攝十二處中極樂  
法處收世界即色處攝十八界中法界及六境中攝  
釋妨難者問十方佛國快樂皆同何故偏指西方勸  
人生彼答良爲凡夫業重處處生覓若不偏指一方  
即不繫心專注所以法華經云衆生處處着引之令  
得出又西方淨土主勝願強偏勸往生疾成聖果所  
以偏指也 經其土有佛号阿弥随今現在說法

贊曰此第四明化主第五辯說法也阿彌陀上已解  
自下經亦有自說處現在者揀於過未說者演說法  
者執持名之爲法即是教法也阿彌陀佛長爲衆生  
演說妙法轉令精進故慈悲廣大利物弘深現初地  
之報身化無邊之根器故云今現在說法問何故不  
告菩薩只告聲聞答菩薩已無穢種居淨國而皆同

聲聞分別未除處穢方之各異令生忻慕只告聲聞  
也問聲聞數廣穎悟者頗多何故不告餘人獨告鶖  
子答只如家任長子國付賢臣鶖子智辯不群偏告

一何爽理

經舍利弗彼土何故名爲極樂

贊曰第六徵國名号故者所以義前標極樂之名未  
彰極樂之相不覩勝妙難爲發心將欲顯示淨方故  
乃自徵國号也

經其國衆生無有衆苦但受諸

樂故名極樂

贊曰第七結成極樂之名其國衆

生者衆生具十種名衆生即十名中之一名也蓮花  
化生無其主苦四序不能遷故無老苦非分段無病  
苦壽命無盡無死苦無父母親疎故無惡憎會苦所  
欲如意無求不得苦顏貌端嚴無諸根缺陋之苦又  
四時一等故無寒暑等苦故云其國衆生無有衆苦

謂超絕三途人無衆苦只如娑婆世界有漏形軀四  
蛇迫身三龍害命乖張病惱報盡死侵有愛必難無  
惡不會蓋迷至理橫受陰纏今茲衆人永無此也且  
積修白業生處紅蓮相好常身蠲除四相亡情絕慮  
誰為愛憎隨念即來無求不得五香佛體衆德嚴身  
故云無有衆苦也但受諸樂者纔歸淨土聖衆隨通  
蓮華條開觀金容之相好微風輶扇聽寶樹而挫聲  
加以飄渺仙雲近淨神足輕盈衣袂遠供祥花晨謁  
慈顏得法印而旋國暮遊金殿聽寶偈而經行然大  
慈願廣利鈍普霑且舊蓮歆發為遺殘殃新學化生



行成不退豈唯近亡慮苦抑亦妙果非遙者哉故云  
但受諸樂故名極樂問彼土屬三界否答無歎故非  
欲界地居故非色界有形相故非無色界內無穢種  
外感淨方迺出四流永超三界故非界繫也

經又舍利弗極樂國土七重欄楯七重羅網七重行  
樹皆是四寶周匝圍遶

贊曰第二廣明淨土文

分為二初明國土莊嚴二辯佛身功德初文分八第  
一樹飾四玕第二池嚴眾寶第三空盈天樂第四地  
布黃金第五花雨長天第六人遊諸國第七鳥吟妙

法第八風吹樂音初文分二初正辯莊嚴二結成極樂此即初也又者復也重也謂前來已告舍利弗彼國無有衆苦名曰極樂此歆廣明淨土境物殊常又告鶖子故云又舍利弗極樂國土七重欄楯者寶樹周圍有七重欄楯也橫曰欄豎曰楯欄檻也莊嚴寶樹園遶花叢何獨偏舉樹嚴彼國處處皆有也七重羅網者嚴顯國土羅覆樹林金縷結成衆寶嚴飭觀經云一一樹上有七重網皆是真珠一一網間有五百億妙花宮殿如梵王宮諸天童子自然在中以摩尼寶而爲瓔珞其光照曜一百由旬亦准於前處處

皆有故瑞相經云無量寶網皆以金縷真珠百千雜  
寶奇妙珍異莊嚴校飾周匝四面垂以寶鈴光色晃  
曜盡極嚴麗祥風微起吹衆網羅聲演法音振聞一  
國耳聆心悅更增使樂也七重行樹者七重寶樹行  
列國中長開異花更無凋變靈禽棲止衆聖遊從也  
故云七重行樹皆是四寶者皆由咸也咸是四寶也  
四寶者或是金銀珊瑚琥珀也瑞相經云其國有七  
寶諸樹周滿世界謂有二寶乃至衆寶所共合成如

金樹則以銀爲枝葉花菓銀樹則以金爲枝葉花菓

乃至有紫金爲本白銀爲莖琉璃爲枝水精爲條珊瑚爲葉瑪瑙爲花車璫爲寶白銀爲本等一一例此行行相對枝枝相映葉葉相向花花相顯榮色光曜不可勝視清風時發出五音聲微妙宮商自然相振又觀經云一一樹高八千由旬一一樹葉縱廣二十五由旬而作異色一一花葉之中皆有七寶光也四寶皆是者即據此經欄楯羅網行樹此之三種咸是四寶所成也四寶者金銀琉璃頗肭迦也通貫上文故云皆是四寶也周匝者古申多解一云欄楯圍遶寶樹故云圍遶二云欄楯羅網行樹圍遶國土處處

莊嚴故問欄楯羅網行樹何故各有七重更無增減  
答表生歸彼國得七覺支故身口七支無諸過故有  
七聖財故 經是故彼國名曰極樂 贊曰第

二結成極樂

經又舍利弗極樂國土有七寶池

贊曰第二池嚴衆寶文分爲七第一七寶池深第二  
八德水滿第三金沙作地第四玉砌成堦第五朱閣  
凌空第六寶蓮覆水第七結成極樂此即初也又者  
如前解七寶者一金金有五種黃者爲上久埋不生  
百鍊不輕從草不違生於土左右所以金字象金在  
土中形二銀易知三琉璃者梵云呌琉璃有五種色

畧云琉璃四玻瓈者智度論云出山石窟中過千年  
冰化爲玻瓈淨國無其寒暑土地無冰何物化焉但  
是石類非寶石也謂淨土故亦云脰迦五車瓈者梵  
云牟婆洛揭拉婆青白閒色也六赤珠者珠體赤也

阿彌陀經通贊疏卷下

第五張

續字号

七瑪瑙者梵云遏濕摩揭婆此云杵藏下辯七寶亦  
依此處池者池沼嚴寶瓔珞砌塹池潭異種光曜自  
然嚴顯瑞應經云其池縱廣深淺或十由旬乃至百  
千由旬其池岸上有珊瑚梅檀樹花葉垂布香氣氤  
也 經八功德水充滿其中 贊曰第二八德

水滿也八功德水充滿於池淨土福勝水異凡間舍  
八德之殊功益五常之妙體水八德者一澄淨二清  
冷三甘美四輕軟五潤澤六安和七飲時除飢渴八  
飲已長養諸根清淨覺經云其池中水淺深隨念上  
下遂心觀經云水隨蓮華枝葉上下水流之音或聞  
三寶空無我等諸波羅蜜之聲也 經池底統以

金沙布地

贊曰第三金沙作地也渌水金沙重

重顯映無量壽經云更互相映黃金池白銀沙等

經四邊堦道金銀琉璃玻瓈合成

贊曰第四玉

砌成堦邊者周圍四圻邊也堦即堦砌道者路也上

塔之道也金銀琉璃玻瓈已如上解合成者四寶共合成故經上有樓閣亦以金銀琉璃玻瓈車渠赤珠瑪瑙而嚴飾之贊曰第五朱閣凌空也上

有樓閣者七寶池上圖空起樓閣也亦以者七寶池上樓閣凌空還用寶成故云亦也金銀琉璃玻瓈車渠亦珠瑪瑙七寶如前解也嚴飾之者莊嚴華飾也無量壽論云爲池莊嚴也觀經云處處皆有衆寶樓閣莊嚴池上也時時遊賞往往登攀眺望淨方適悅情思也經池中蓮華大如車輪贊曰第六

寶蓮覆水也此文分四一顯華名二辯形量三釋顏



色四明香潔此初二文也蓮者芙蕖之實華者華美  
曰華大而復圓狀若車輪觀經及平等覺經云大者  
或二十里乃至六百萬里然今大小亦無定准此中  
約小者說也

經青色青光黃色黃光赤色赤光  
白色白光微妙香潔

贊曰此後二文也第三類

色第四香潔四色各有異光也光即光彩各異微妙  
者深細殊常香者香氣潔者體無塵垢故云微妙香  
潔清淨覺經云一一華葉皆作異寶色何獨青色光  
等也經據純色者說問何故只有四色答表四色是

實而無假者表生居淨土心無諂曲語不虛詞證四  
涅槃得四智故 經舍利弗極樂國土成就如是

功德莊嚴

贊曰第七結成極樂可知

經又舍利弗彼佛國土常作天樂

贊曰第三空

盈天樂空中奏樂聲演法音彼國人聞咸生善念觀  
經云無量樂器懸處虛空不鼓自鳴或林或幢皆懸  
樂器悉自和鳴隨眾生意皆奏法音人天聞者俱發  
道意或謂六度或讚三乘 經黃金為地

贊曰第四地布黃金心無穢種地感黃金柔軟自然  
高伍隨步觀經云其地由如日宮懸處虛空其地柔

軟下足即凹舉足便起又彼國無須弥山及諸山等  
瑞相經亦說其佛國土自然七寶合成其地不可限  
量殊特妙好逾諸十方一切世界此唯金者亦文畧  
也又衆寶妙衣遍布其地一切人天踐之而行種種  
莊嚴以顯殊特也

經晝夜六時而雨曼陀羅花

贊曰第五花雨長天也晝夜六時者晝夜各有六時

阿彌陀經通贊疏卷下

第八張

稅字号

共十二時也問西方淨土境勝地殊人絕無明國無  
昏曉何言晝夜答花開金浦化生爲天曙之情鳥宿  
瓊林菩薩作時昏之想不同此界昏曉各殊而者助

句也兩者從空而落謂之雨也曼陀羅者是梵語此  
云適意花也光潔異香聞者見者身心適悅長道情  
故風颺萎者地眾受之更雨新花莊嚴金地故法華  
經云香風吹萎花更雨新好者花有四德一嚴淨國  
土表生彼國善法飭身故二敷榮見臺表勝二乘真  
實法故三先花後菓表生彼國先因後果故四香氣  
遠騰聞者歡悅表生歸彼者德業馨香名振十方故  
故雨花也問淨土兩白花者表於何事答表生淨土  
唯白業故有云赤圓花者不善其理也法華經云唯  
白蓮華放白毫光白牛馳駕手執白拂等表白是眾

色之本一乘是諸法之源若云赤圓者此爲未可

經其國衆生常以清旦各以衣祴盛衆妙花供養他  
方十萬億佛

贊曰第六人遊諸國文分爲三初  
將花供佛二還國經行三結成極樂此即初也經文  
易見各以衣祴者衣襟也盛諸妙花者易見供養者  
進財行日供有所攝資爲養故云供養他方者即十  
萬億佛顯所供養佛數也准諸經等或乘七寶宮殿  
百寶蓮華承佛威神騰空往彼十方世界將諸妙花  
及諸異物隨心供養聽聞妙法及受記別等事  
經即以食時還到本國飯食經行

贊曰第二還

國經行也即以食時還歸本國飯了經行經行或遶寶殿或遶瓊林或徃或來如綃經來徃故云經行足

阿彌陀經通贊疏卷下

第九張

統字号

行寶地口念金經故云經行也瑞相經云諸徃生者若欲食時七寶應器自然在前如是衆鉢隨意而至百味飯食自然盈滿雖有是食實無食者但見色聞香以之爲食自然飽足身心柔軟無所味着事已化去時至復現廣經云食如何相違彼約示現食亦有伺失問西方人勝自有身光旣無日月之暉寧辯辰齋之候答金鍾自振玉磬搖聲聖衆雲來自然赴會

也問所言食者資益爲義淨土之中是何食也答若約實報淨土即禪悅爲味若以化淨土即段食資身也

經舍利弗極樂國土成就如是功德莊嚴

贊曰第三結成極樂 經復次舍利弗彼國常有種種奇妙雜色之鳥

贊曰第七鳥吟妙法分之

爲二初叙靈禽二去疑執初文有五第一惣叙靈禽第二分別名字三傳和雅韻四詮顯法音第五聞興善念此即初也復次者復者重也次者以次反復徵問故云復次彼國者即西方常有恒有也種種者不故云種種奇妙者奇也異也妙者殊妙希奇雜色者毛

色各異也問淨土殊勝尚無凡夫何故飛禽亦生彼國答彌陀變化而有靈禽讚利法音莊嚴國界故下經云欲令法音宣流變化所作

經白鶴孔雀鸚

鵒舍利迦陵頻伽共命之鳥

贊曰第二別列名

字也白鶴者丹朱作頂霜雪爲毛鳴之即聲振九臯舞之則雅和八節迥異諸鳥故云白鶴孔雀者天生靈鳥迥異凡禽頂戴綠冠身嚴衆彩故云孔雀也鸚鵒者毛嚴翡翠紺鵒朱紅羽輕俊以能飛舌纖長而解語故云鸚鵒舍利者梵語此云鷺鷥鳥也幼而且



俊俊而又靈斯須而萬里飛騰增妙而千般音韻迦陵頻伽者此云妙音鳥音聲美妙身體殊常聞之者側耳傾心見之者怡神悅思妙音鳥也共命者亦云命命美音演法迅羽輕飛人面禽形一身兩首故云共命也

經是諸衆鳥晝夜六時出和雅音

贊曰第三傳和雅韻也晝夜六時者晝夜各有六時共十二時也出和雅音者和即柔和雅妙音韻西方靈鳥不並凡禽音韻柔和言詞雅妙故云出和雅音也

經其音演暢五根五力七菩提分八聖道分

如是等法

贊曰第四詮顯法音也演暢者演者

水流不絕之自暢者宣暢五根等者三十七菩提分  
法經中闕四念住四正勤四神足也下有等言等此  
三位今釋此法畧為七位一四念住謂身受心法以  
惠為體謂由念力惠於境住二四正斷謂律儀斷斷  
斷防護斷修習斷以精進為體精進起用能修斷故  
三四神足謂欲勤心觀以定為體為此四種而修定  
故四五根謂信進念定惠如名以為五體出生善故  
五五力體即五根難屈伏故離根別立六七覺支謂  
擇法覺支精進喜念定捨輕安三是別境擇法念定  
三是善數勤捨輕安一是遍行謂喜七八聖道分為

正見正思惟正語正業正命正念正定正精進其正  
思惟體以惠爲性能發語言通佛有故正語正業以  
無實礙所發身語爲體無貪所發名爲正命離五邪  
命俱以無表色思爲體餘如自名三十七種合體有

阿毘達磨經通贊疏卷下

第七張

稅字号

九一惠二精進三定四信五念六喜七捨八輕安九  
無表色遍行有一謂喜別境有三謂念定惠善有四  
謂信勤捨輕安色法有一謂無表色菩薩所修與聲  
聞異故菩提分名菩薩法如是等法者上等根力覺  
道下等念斷神足故云如是等法或可等者諸六度

萬行等法不介餘法何故不演也

經其土衆生

聞是音已皆悉念佛念法念僧

贊曰第五聞興

善念念三寶也佛義如前法者梵語達磨此翻云法  
法即執持物解也謂即四諦十二因緣六度僧者梵  
云僧伽此名爲衆和合義也謂身和共住語和無爭  
意和無違戒和同修見和同止利和同均具此六和  
故名僧也皆可重故名爲三寶鳥傳妙法人發勝心  
念三寶之勞名消百生之障累問靈禽演法數目頗  
多衆念善名一何微渺答禽傳廣法表詞說之無窮  
人念三名縮衆善而俱盡

經舍利弗汝勿謂此

鳥實是罪報所生

贊曰第二去疑執文分爲五

一遮非實報二徵問因由三答無三趣之名四通無惡道之字五正辯化現之情此初也汝者呼於弟子故云汝勿由莫也莫謂此等靈鳥等實是罪報惡業所生聞說靈禽恐生滯惑謂淨土之惡緣未息令一會而勝意不生所以遮云勿謂此鳥實是罪報所生也

經所以者何

贊曰第二徵問因由所以

者因由義非是實報因由者何謂也

經彼佛國

土無三惡趣

贊曰第三答無三惡之名三惡趣

者即地獄餓鬼畜生也地獄者梵云那落迦此云苦

阿彌陀經通贊疏卷下

器受苦衆生所居器物餓鬼者多諸恐怕久受飢虛  
故名餓鬼也畜生者或云丑六反或云希六反人之  
畜養故或云傍生造業傍故受報亦傍因便合辯六  
趣廣有章門如別處說問有何所以惡道俱無蒼生  
居淨土善業緣深永除異類之身盡是同生之衆只  
如天宮勝境尚須善業所招極樂殊方豈有惡因能  
往也况彼尊發願言設我得佛國中有三惡趣者不  
取正覺故知無也  
經舍利弗其佛國土尚無三  
惡道之名何況有實  
贊曰第四通無惡道之名

字名字猶無何況實有禽類之質

經是諸衆鳥

皆是阿彌陀佛欲令法音宣流變化所作

贊曰

第五正辯化現之情當初衆會各有疑心既非實報之身此等因何而有引此一段經文答也問彌陀神力廣變佛身觀相好以發心聽梵音而悟道何故作諸禽類顯發教門答化身爲佛未是希奇乃現靈禽令生罕遇發難遭之勝想生殊特之信心化現多途何足爲難況隨類化身處處皆說瓊林寶網皆演法音流水清風盡談真教有斯所以乃現靈禽也

經舍利弗彼佛國土微風吹動諸寶行樹及寶羅網

出微妙音譬如百千種樂同時俱作

贊曰第八

風吹樂音也文分爲四一風搖寶樹二聲似樂音三聞興善念四結成莊嚴此初二文也微風者細風也非猝暴風也吹樹及網羅動即發微妙音韻也譬如者譬者况也如由似也况似於百千種音樂同時俱奏也細風徐起吹樹網羅音韻而遍滿十方微妙而

阿彌陀經通贊疏卷下

第十三

稅字号

便同衆樂故云譬如百千種樂同時俱作也

經聞是音者皆自然生念佛念法念僧之心

贊曰第三聞興善念自然者慣習任運名曰自然非



無因緣名自然也生念佛念法念僧者三寶之名如  
前釋也念佛有三一心念心中繫念二輕聲念自耳  
聞故三高聲念有十種功德一能排睡眠二天魔驚  
怖三聲遍十方四三塗息苦五外聲不入六心不散  
乱七勇猛精進八諸佛歡喜九三昧現前十往生淨  
土應作四句分別一心念口不念二口念心不念三  
心口俱念四心口俱不念此四句中第一句第三句  
是瑞相經云清風徐起不寒不暑吹諸羅網及衆寶  
樹演發無上微妙法音其有聞者塵垢不起自然快  
樂如得三昧

經舍利弗其佛國土成就如是功

德莊嚴

贊曰第四結成莊嚴易知

經舍利

弗於沒意云何彼佛何故号阿彌陀

贊曰下第

二辯佛身功德也文分為二初明化主功德二辯聽

衆功德初文分三初徵問佛号二正辯得名三明成

佛劫數此初文也佛自徵也

經舍利弗彼佛光

明無量照十方國無所障礙是故号為阿彌陀

贊曰第二正辯得名而有二義一約光明得名二約

壽命得名此即初也光有二種一內光即智內照理

二外光即身光外照也此即身光也金剛不壞之體

無礙解脫之身如淨琉璃表裏瑩徹彼方境物悉現

光中收之只有一尋展之動論無量也無量壽經云  
身多光故乃至無量等光衆生遇彼光者三垢消滅

阿彌陀經通贊卷下

第十四

疏字号

若在三塗見光息苦壽終之後皆得解脫大論云阿  
彌陀國諸菩薩衆身之常光照十萬由旬若是佛光  
遍照十方世界又觀經說彼佛身如百千萬億夜摩  
天閻浮檀金色其身高六十萬億那由他恒河沙由  
旬眉間白毫右旋宛轉如五須弥山佛眼如四大海  
水清白分明身諸毛孔演出光明如須弥山其佛圓  
光如百億三千大千世界於圓光中有五百萬億那

由他恒沙化佛一一化佛亦有衆多無數化菩薩而  
爲侍者彼佛有八萬四千相一一相有八萬四千好  
一一好有八萬四千光遍照十方無量世界有此光  
明故号阿彌陀也問光照十方無量世界者此土人  
民何以不覩答道合即千里懸應世乖則肝膽楚越  
如譬者不覩於曦光豈曦光之有咎似聾者不聞於  
雷震非雷震之有咎衆生業累增強佛光有而不見  
經又舍利弗彼佛壽命及其人民無量無邊阿僧祇  
劫故名阿彌陀 贊曰第二答壽命得名壽命者  
第八識種上連持功能也即是不相應行中攝也無

量者無其限量無邊者無彼邊際阿僧祇劫者此云  
無央數劫也問彼尊彼衆身屬有爲未逃四相遷移  
未免一期摩滅答捨兩重生死獲五蘊常身悲願無  
邊身命何盡況又煞業又云壽命延遠也問彌陀已  
居果位壽命無量可然人民見處因中何故亦同彼  
佛答業累輕妙善種增強既非分段之身永離去來  
之質與佛齊等於理無違故無量壽經云彼佛壽命  
長遠不可稱計假使十方世界無量衆生皆成羅漢  
共盡思惟百千萬劫不知壽限菩薩天人壽命亦亦

又清淨覺經云阿彌陀佛欲令十方一切有情之類  
皆生其國悉至泥洹若菩薩者皆令作佛作佛已更  
展轉教化十方之類亦復作佛作佛已更轉教化一  
切衆生悉至泥洹然後涅槃是知壽命無量也問彼  
國人民者爲是分段爲是變易答若論報土即便變  
易之身若說化淨國中分段尚猶未捨問彼佛壽命  
長遠此經自明未審成佛已來至此於今幾劫

經舍利弗阿彌陀佛成佛已來於今十劫

贊曰第三明成佛劫數

經又舍利弗彼佛有無

量無邊聲聞弟子皆阿羅漢非是算數之所能知諸

菩薩亦如是

贊曰第二辯聽衆功德文分爲四

初小大兩衆筭數無邊二新舊二徒因行有異三勸  
生彼國四勸生利益此初分二初辯衆多少二結成  
莊嚴此初也聲聞弟子者因聲悟道故曰聲聞弟子  
者長在我後名弟解從我生名子皆阿羅漢者揀前  
三果故也非筭數之所知者筭數數不及故菩薩亦  
如是者亦同聲聞筭之不及也問濁世衆生業重難  
化教說三乘淨土人衆信深易勸何言四果答有二  
意一欲明化澤被淺深故五逆十念亦生其國二顯  
莊嚴眷屬故多衆圍遶故雖是淨土亦有聲聞也故

法華經云彼佛出時雖在惡世以本願故亦說三乘  
故觀經云小乘根者生到彼土得四果也問若論真  
淨報土二乘不合得居若論化現淨方四果盡皆得  
往何故云皆阿羅漢不說餘三果耶答報淨土中聲

阿彌陀經通贊疏卷下

第十六

經字

聞權化約其殊勝不說餘三化淨土中四果皆有加  
行位中能伏分別得居淨土也無量壽經云三乘種  
不生約報土也

經舍利弗彼佛國土成就如是

功德莊嚴

贊曰第二結成莊嚴也

經又舍

利弗極樂國土衆生生者皆是阿鞞跋致



贊曰第二新舊二徒因行有異文分爲二初新生不退衆二補處位高衆此初也阿鞞跋致或云阿惟越致是梵語此云不退轉不退有五一信不退二位不退三證不退四行不退五煩惱不退不被煩惱所退轉故問生居淨土何故不退答無五退緣故一無病苦纏故二無遠行故三常誦經法四常營善事五長和順無諸違諍事所以不退此界人多退反此應知又有欲境所牽多諸退屈也

經其中多有一生

補處其數甚多非是算數所能知之但可以無量無邊阿僧祇劫說

贊曰第二補處位高衆一生補

處者補者補闕處者處所此等菩薩因四十地劫滿  
三祇盡此一生便成正覺故云一生補處也餘經文  
易見故只如弥勒現居天界當來果成一生補大覺  
之尊三會度無邊之衆即是此類故無量壽經云設  
我得佛他方佛土諸菩薩衆來生我國究竟必到一  
生補處以本願力故生彼即入補處之位  
經舍利弗衆生聞者應當發願願生彼國  
贊曰第三勸生彼國現居未來一切衆生聞我向來  
說者應當發願願生彼國問慈氏天宮快樂不少勝  
侶頗多何須堅勸往彼西方答若論堪率即勝人間

乃並西方全成微劣勝劣既異彼各殊勸生西方  
捨劣求勝也勝劣有異者淨土十勝天宮十劣淨土  
十勝者一化主所居勝二所化命長勝三國非界繫  
勝四淨方無欲勝五女子不居勝六修行不退勝七  
淨方非穢勝八國土莊嚴勝九念佛攝情勝十十念  
往生勝天宮十劣者一所居國土劣二所化壽促劣  
三界繫攝屬劣四彼天有欲劣五男女雜居劣六修  
行有退劣七穢方非淨劣八國土莊嚴劣九善念攝  
情劣十修行勞苦劣有斯十勝十劣所以勸生彼國

經所以者何得與如是諸上善人俱會一處

贊曰第四勸生利益諸上善人者善者過現益物謂之善人即前聲聞不退及補處等菩薩也俱在西方一會處也同師進業必假良緣明家作仇事資惡黨孟母移居於勝處宣尼不飲於盜泉蓋恥惡而慕善也慕善則芳蘭襲慶朋惡即鮑肆薰風也勸生西方親之勝侶也經舍利弗不可以少善根福德因緣得生彼國

贊曰自下第二舉極樂之因殊文分

五段一遮少善二說多因三聖衆來迎四衆生生往五結勸往生此即初也不可以微少善根得往殊常

淨土問十念弥陀願生淨土據斯所說果著因微何  
故少善因緣不生彼土答十念得生淨土接引懈怠  
衆生却談多善因緣乃被精勤學者或廣或略理不  
相違 經舍利弗若有善男子善女人聞說阿弥  
陀佛執持名号若一日若二日若三日若四日若五  
日若六日若七日一心不乱 贊曰第二說多因

也善男子梵太烏波索迦此云近事男索者男聲也  
堅持五戒堪可親近承事比丘僧故善女人者烏波  
斯迦斯者是女聲也亦持五戒堪可承事比丘尼故

西方分男女二聲故聞說阿彌陀佛者謂於善友處  
聞此阿彌陀教中往生之事或自尋覽執持佛名号  
一日乃至七日一心者更無間隔故名曰一心不乱  
者專注無散也問淨土論云女人及根缺二乘種不  
生云何相違答只如女子念佛至意專精命盡欲生  
轉成男子便生淨土有何不可根缺亦亦文殊般若  
經云若人欲生他方現在淨妙國土者應當瞻彼國  
土佛名一心誦念願往生者必得往生觀佛三昧經  
云此念佛三昧欲使成就有五因緣一持戒不犯二  
不起邪見三不生諂慢四不恚不嫉五勇健精進鼓

音經云今念彼佛名字七日七夜六時禮拜賢愚經  
女持戒專念七日亦得往生平等覺經及大阿弥陀  
經並說三輩得生如彼中說

經其人臨命終時

阿弥陀佛與諸聖衆現在其前

贊曰第三聖衆

來迎也其人者即七日念佛行行人也臨終時者此  
一報壽命臨欲終時即彼佛與諸聖衆即彼國菩薩  
聲聞等現身於念佛修行人前如梁朝珍禪師見白  
銀臺或見化佛來迎也

經是人終時心不顛倒

即得往生阿弥陀佛極樂國土

贊曰第四衆生

生往不顛倒者不移正念也即得往彼國也蓮華化

生類貌端正如諸菩薩心無顛倒意想正修便別穢  
方頓生淨土故云即得往生問衆生惡業無量如何

阿彌陀經通贊疏下

第十九張

稅字号

念佛滅除業障便得往生淨土若十疑論說有三義  
故能敵惡業一者在心爲造罪是虛妄心念佛是真  
實心以實除虛有何不可如千年之闇不能拒朝日  
之光二者在境謂造罪緣於顛倒境界念佛緣於勝  
妙功德以真遣偽有何不可三者淨謂造罪是染  
意念佛是淨心淨勝染劣詎可相比如童子搗刀能  
斷千丈之索一星之火能燒萬束之薪又觀經云於



念念中滅除八十億劫生死之罪罪業既除得生何  
處西域之人臨命終時皆以幡像前引親友知識助  
念阿彌陀令發往生之意是此教也又華嚴云將欲  
歿者令其憶念想見如來命終得生淨土見有臨命  
欲終勸念佛名又示尊像令其瞻敬令生善念即得  
往生問臨終作善便得往生何假預前修諸勝業答  
人生壽夭難測短長或即病困昏迷或即非時奄逝  
既闕生前之善難逃後世之殃預作善緣恐防斯咎  
問往生之人有中有身否答群疑論中有二師義一  
師云極善極惡無中有二不揀善惡但有捨報受生

者皆有中有爲傳識故除現世變身即無中有淨土  
既是極善中有定有有者爲正

經舍利弗我見

是利故說此言若有衆生聞是說者應當發願生彼

國土

贊曰第五結勸往生我見是利者我者世

尊稱我也見是利者見是殊常勝利益故勸生彼

國也

經舍利弗如我今者讚嘆阿彌陀佛不可

思議功德

贊曰第三諸佛證明文分爲三初陳

自讚言二引他佛證三釋經名字此即初也如我今

者自指也彼佛功德不可以心思言議故也

經東方亦有阿閼鞞佛須弥相佛大須弥佛須弥光  
佛妙音佛

贊曰第二引他佛證稱讚淨土經云  
十方諸佛此略舉六方便爲六段且舉東方每一方  
各有五段一指國土二舉佛名三辯多少四明證相  
五引證言今初兩段合一唱也東方者指國土亦有  
阿閼下舉佛名先引東方者西域以東爲上所以先  
舉阿閼梵語此去無動不被煩惱四魔違順等動故  
須弥相者謂金容尊狀若須弥大須弥者謂諸相甚  
大如大山王須弥光者如大山王身光故妙音者其  
聲微妙清徹遠聞

經如是等恒河沙數諸佛各

於其國出廣長舌相遍覆三千大千世界

贊曰第三辯多少四明證相如是等恒河沙數諸佛是辯多少各於其國辯明證相也如是等佛數比河沙而不具列故言等也恒河沙數者梵云疏伽訛略云恒河是河神之名河從彼稱疏音其矜反去聲也經中說河沙爲喻無熱惱池出四大河此河即一也由具五義一由沙多二由世人共爲福水入洗罪滅投死生天三雖經劫壞名字常存四佛多近此宣說妙法五衆人共委故多爲喻仍取初出池口方四十里河以爲喻明證相諸佛各於其國出廣長舌相者即各

在本國舒舌相也三千三大世界者准大論云千須  
弥山千日月千四天下及千大梵王是謂小千以小  
千爲一數數至千名為一中千中故名爲大千俱舍論云  
小千至初禪中千至二禪大千至三禪俱同一成壞  
遍此故云遍故云遍覆三千大千世界也表無量劫  
來口離四過感此舌相也證小事即覆面門以至髯  
際今證大事故至三千今說因微果勝恐衆生疑此  
乃地苦惱之要門證常樂之疾路事既廣大現瑞非  
輕舒舌相而遍覆大千證西方而真快樂也

經說誠實言汝等衆生當信是稱讚不可思議功德  
一切諸佛所護念經

贊曰第五引證詞經文易

見誠者實也問汝等者爲是六方諸佛告語自國聽  
徒爲當釋迦勸誡祇園之衆荅觀此經勢而有二意  
一他方諸佛告自國聽衆二釋迦轉引彼佛意言證  
彼西方今一會衆生信敬也一切諸佛所護念經者  
即是此經准此具足應名稱讚阿彌陀佛不可思議  
功德其文略也一切諸佛所護念經者諸佛護持明  
記憶念也即衆行雖廣難方念佛之功諸福然多爭  
並持經之力故使六方諸佛以神力而護持沙界聖

人乃一心而憶念故云一切諸佛所護念經問若釋迦談於淨土可言佛所護念諸佛不說此經何說佛所護念答王言是勅佛言成經既稱讚於淨方此說便成經也或可佛所護念者即指釋迦所說阿彌陀經也問靈山開塔要假召集分身舍衛落迦何故不邀諸佛答召佛開其實塔赴彼佛之願心證土落相信誠此尊之悲意但各居自國不至此方也

經舍利弗南方世界有日月燈佛名聞光佛大焰肩佛須彌燈佛無量精進佛贊曰第二南方也分

五如前此前三段也一指國土二舉佛名指國土可

知日月燈佛者身光智光內外俱照故名聞光者有  
大名聞光照內外或聞名見光生覺悟故大焰肩者  
身光發焰出於肩故或肩者齊也即身光智光皆發  
焰齊也須彌燈者身如燈焰有破暗故無量精進者  
利樂有情故

經如是等恒河沙數諸佛各於其

國出廣長舌相遍覆三千大千世界

贊曰第三

辯多少第四明證相行相如前

經說誠實言汝

等衆生當信是稱讚不可思議功德一切諸佛所護

念經

贊曰第五引證詞亦同前釋

經舍利



弗西方世界有無量壽佛無量相佛無量幢佛大光  
佛大明佛寶相佛淨光佛

贊曰第三西方同前

五段此初二文也無量壽者即西方本尊依二義得  
名如前已解問儒宗尚無自伐其善何故弥陀自讚  
難思答據其文勢即是諸佛稱讚又設若弥陀自讚  
於理何違引轉衆生令生勝意無量相者相好無量  
故無量幢者身量功德高而復峻由如幢也大光者  
身智二光無不照故大明者得佛三明無不知故即  
正遍知也寶相者內外二相皆可寶重故淨光者淨  
者無漏光者身智二光故言淨光也

經如是等

恒河沙數諸佛各於其國出廣長舌相遍覆三千大千世界

贊曰第三第四文也如上說也

經說誠實言汝等衆生當信是稱讚不可思議功德一切諸佛所護念經

贊曰第五文也引證詞可

知經舍利弗北方世界有焰肩佛寶勝音佛難

阻佛日生佛網明佛

贊曰第四北方證也文五

阿彌陀經通贊疏卷下

第三十三

祇字

同前此初二文也焰肩佛義同於前寶勝音音聲美

妙勝過餘故難阻者諸魔不能阻尋故曰生者依智

惠曰流聲教故或依智惠曰令衆生生諸善法故網

明者施此教網令衆生生於明解故

經如是等

恒河沙數諸佛各於其國出廣長舌相遍覆三千大千世界

贊曰第三第四文如前可知

經說誠實言汝等衆生當信是稱讚不可思議功德一切諸佛所護念經

贊曰第五段文意可知也

經舍利弗下方世界有師子佛名聞佛名光佛達磨佛法幢佛持法佛

贊曰第五下方佛證也文五

同前此初二文也師子佛者如於師子獸中自在佛於法中自在故得此名又世師子伏諸猛獸佛即伏於四魔也名聞者名振十方故名光者聞名見光生

覺悟故達磨佛梵語此云法也以法爲身即有爲無  
爲諸法所依止故法幢佛者廣闡大法高峻如幢故  
也持佛法者持過去佛法付未來故

經如是等

恒河沙數諸佛各於其國出廣長舌相遍覆三千大  
千世界

贊曰第三第四文相可知

經說誠實

言汝等衆生當信是稱讚不可思議功德一切諸佛  
所護念經

贊曰第五文也行相同前

經舍利弗上方世界有梵音佛宿王佛香上佛香光  
佛大焰肩佛雜色寶花嚴身佛娑羅樹王佛寶花德  
佛見一切義佛如須彌山佛

贊曰第六上方佛

文五同前此初二文也梵音者聲相美妙聞者悅心  
故宿王佛者宿者星也月是星中之王佛是十地菩

阿彌陀經通梵疏卷下

第二十四

觀字号

薩二乘凡夫之王也得自在故香上佛者戒德馨香  
更無過上故香光佛者馨香自遠光彩教門故大焰  
肩佛者身肩發焰故雜色寶花嚴身佛者心花發明  
自嚴飭故或可雜色衆寶以嚴其身飭形可以美俗  
故娑羅樹王佛者如大樹王能覆蔭故佛能覆蔭諸  
衆生故寶花德佛者身智功德如寶可重故見一切  
義佛者義者境也佛具五眼見一切境故如須弥山

佛者福智如山巍巍高峻故

經如是等恒河沙

數諸佛各於其國出廣長舌相遍覆三千大千世界

贊曰第三第四文可知也

經說誠實言沒等衆

生當信是稱讚不可思議功德一切諸佛所護念經

贊曰第五文也同前可知

經舍利弗於沒意云

何何故名一切諸佛所護念經

贊曰第三釋經

名字文分爲三初徵問次通釋後結勸此初也世尊

云汝舍利弗還知此經如何得名一切諸佛所護念

經否

經舍利弗若有善男子善女人聞是諸佛

所說名及經名者是諸善男子善女人皆爲一切諸

佛共所護念皆得不退轉於阿耨多羅三藐三菩提  
贊曰此是第二通釋也善男子等善女人等是所護  
人也聞是阿彌陀佛及聞六方恒沙佛名者能護念  
人也是諸善男子女人皆爲一切諸佛所護念者得  
正護念也即受持經及聞佛名男子女兒因聞諸佛  
及釋迦佛說修淨土經方始得淨土即此經是諸佛  
所匡護明記憶念故也阿耨多羅三藐三菩提者阿  
之言無釋多羅云上三云正藐云等又三云正菩提

云覺即是無上正等正覺問爲但念阿彌陀佛即得

不退爲更有餘方便答非但稱念禮敬又應至心於諸佛前懺悔勸請隨喜迴向發願由懺悔故轉諸定業如如意珠隨願即得得不退轉爲由諸佛護念故於無上正等覺心得不退轉

經是故舍利弗汝

等皆當信受我語及諸佛所說

贊曰此第三結

勸也是故者結上之詞皆當等者勸勵之語汝等信我上來所說及六方諸佛之言

經舍利弗若有

人已發願今發願當發願欲生阿彌陀佛國者

贊曰自下第四三生發願文分爲四第一發心往生

第二彰其勝益第三位居三世第四勸生彼國此即



初也已發願者過去今發願者見在當發願者是未來欲者希望也者即五蘊假者也 經是諸人等

皆得不退轉於阿耨多羅三藐三菩提 贊曰第

二彰其勝益念佛發願故一即彼佛冥加二即此佛潛衛遂令求道之心不退願生之志不轉故言不退轉若已發願者已得不退今發願者即現在今得不退當發願者當得不退轉也 經於彼國土若已

生若今生若當生 贊曰第三位居三世已發願

者為過去發願者已生今發願者為現在者即生未

來發願者為未來未來發願當生 經是故舍利

弗諸善男子善女人若有信者應當發願生彼國土  
贊曰第四勸主彼國若有信心深重煩惱輕微知大  
覺以誠言獲良願而當往也

經舍利弗如我今

者稱讚諸佛不可思議功德彼諸佛等亦稱說我不

阿彌陀經通贊疏卷下

第三十六

稅字

可思議功德

贊曰第五彼尊讚歎咸曰希奇文

有四段初讚功德難思二歎化行濁世三嗟訝成佛  
四說法幽玄此文是初我讚六方諸佛能為衆生作  
真實語衆生因此心無疑惑又彌陀如來慈悲接引  
我等偏讚彼佛彼佛復讚於我

經而作是言釋

迦牟尼佛能為甚難希有之事能於娑婆國土五濁  
惡世劫濁見濁煩惱濁衆生濁命濁中

贊曰第

二歎化行濁世而作是言結集家叙也釋迦梵語此  
云能仁牟尼此云寂默得姓之緣如別處說言甚難  
希有之事者即是忍苦教化衆生之事也能於娑婆  
國土者梵云娑婆此云堪忍堪可忍受苦惱之事故  
也五濁惡世者畧以五門一釋名二出體三對治四  
廢立五相攝初釋名者濁是滓穢義如食滓穢下惡  
可汚名之為濁此言意說劫增之時三災漸輕煩惱  
轉薄衆生向好惡見漸微命根轉長漸漸向勝也上

好可忻名之爲清衆生無苦化佛不出世諸化佛出世必向劫減小三災漸起煩惱轉厚衆生向惡深見漸增命根轉短漸漸向劣下惡可厭故立濁名五者是數帶數釋也次望別名皆持業釋或以別揀惣亦依主釋二出體者地持論云謂今世人多皆短壽極長百歲是名命濁此以本識名言種子由業所引功能差別命根爲體善業力弱命根漸短由煞生業之所感故名諸衆生不識父母不識沙門及宗族尊長不修義理不怖不畏今世後世惡業果報不修惠施不作功德不修齋法不持禁戒是名有情濁雖第八

識名為有情今說由近惡外緣故五蘊假者作惡無  
善名有情濁合以第八識及五蘊為性若此衆生增  
非法貪或惠刀劍或施器仗諍訟鬪亂詭曲妄語攝  
受邪法及餘惡不善法是名煩惱濁除五見外所餘  
一切煩惱隨煩惱皆煩惱濁體此非法貪惠刀劍等  
令行煞害或慳好財但捨刀劍因非法貪諍訟等起  
乃至諸餘惡不善法通攝一切煩惱隨煩惱盡由性  
數習逢惡境牽煩惱尤重若於今世法壞法殺像法  
漸起邪法轉生是名見濁此以五見而為體性多近

外道惡見數生若饑饉劫起疾病劫起刀兵劫起是  
名劫濁此以色蘊四塵爲體或通五蘊仍是不相應  
時爲其體依四五蘊而建立故煩惱增多惡業尤重  
便招惡果三災遂生三對治者智度論中立四悉檀  
悉檀宗也一世界悉檀二各各爲人悉檀三對治悉  
檀四第一義諦悉檀劫濁衆生濁世界悉檀治之識  
器世間衆生世間悉皆虛幻厭怖修道即永離故命  
濁以各各爲人悉檀治之識知人由善業所得修持  
淨戒行不謬等命自長故或爲三乘之人各說自乘  
涅槃之果便除生死所有命濁煩惱濁見濁對治悉

檀治之修習隨應對治之道令不起故由三悉檀破  
五濁故入第一義證會具宗四廢立者何故唯立五  
濁不增減耶答衆生有二一惡行謂在家白衣二邪  
行謂出家外道白衣無惠煩惱增時名煩惱濁外道  
邪解浪推求時立爲見濁又諸鈍惑名煩惱濁諸餘  
利惑名爲見濁由此二因得當果時離合不同復分  
二濁合二內果名衆生濁惡衆生故合二外果總名  
劫濁惡器具故劫謂時分時無別時依法辯故劫濁  
故以惡器爲體此惡衆生及與外果雖復摠陳是二

濁果未辨何者正惡果體今而根本故立命濁或內  
惡果名爲命濁外惡果者名爲劫濁此惡因果由誰  
而有謂惡衆生故名衆生濁由此五濁據增行相欲  
令生厭故偏說五五相攝者薩遮尼乾子經云立十  
二濁一示現劫濁二示現時濁三示現衆生濁四示  
現煩惱濁五示現命濁六示現三乘差別濁七示現  
不淨國土濁八示現難化衆生濁九示現說種種煩  
惱濁十示現外道亂濁十一示現魔濁十二示現魔  
業濁劫濁及時即劫濁衆生及難化衆生即衆生濁  
煩惱及說種種煩惱即煩惱濁命即命濁外道亂即



是見濁此八即五濁餘之四種謂三乘差別不淨國  
土魔及魔業非五濁攝五濁據勝唯實雜染十二濁  
通能化能障佛示現故問何故釋迦百歲時生弥勒  
八萬歲出荅各據本願出時不同故 經得阿耨

多羅三藐三菩提

贊曰第三嗟訝成佛緣此界

境唯穢惡人足是非證菩提如火內生蓮得解脫似  
水中出燭出焰故也 經爲諸衆生說是一切世

間難信之法

贊曰第四說法幽玄難信之法者

只如此典七朝誦佛十念精誠超五濁之穢方登初  
地之淨域豈非難信者哉上來第五彼尊讚歎咸曰

希奇說

經舍利弗當知我於五濁惡世行此難

事

贊曰下第六段我佛叙陳獨稱難事文分為

阿彌陀經通贊疏卷下

第廿九

稅字

四初叙行難修二叙果難證三叙法難信四摠結甚

難此即初也行此難事者即三僧祇劫萬行備修捐

身命以殉菩提捨國城而為群眾方成正覺豈非難

事者也

經得阿耨多羅三藐三菩提

贊曰

此第二叙果難證如上已解其文可知

經為一

切世間說此難信之法

贊曰此第三叙法難信

也

經是為甚難

贊曰此第四段摠結甚難

結一三事上來已解正宗分訖

經佛說此經已

舍利弗及諸比丘一切世間天人阿修羅等聞佛所說歡喜信受作禮而去

贊曰第三流通分文有

四段初說經事畢二聽法緣終三聞法歡忻四退辭佛去四段合一唱也佛說此經已者是第一說經事畢此及下文皆結集之語也舍利弗及諸比丘一切世間天人阿修羅等聞佛所說者是第二聽法緣終言世間者即有情世間也可破壞故天人者天即欲界六天天者即光潔自在名天人即人趣謂多思義名人阿修羅者此云非天如人不仁名曰非人修羅

亦尔經歡喜信受者是第三聞法歡忻顏舒曰歡神  
悅曰喜故云歡喜即意識相應喜受也此經乃三乘  
妙旨衆聖要樞出生死之鴻源證真常之疾路得聞  
圓備豈不樂哉故云歡喜問先標聽徒之處兼明菩  
薩聲聞經終作礼歡忻何故不明菩薩答牙影畧說  
不必俱陳作礼而去者是第四退辭佛去五輪俱屈  
三業歸誠咸別世尊各還本土故云作礼而去  
阿彌陀經通贊疏卷下